

*lectorum Psalmorum Honorii* e Codice dictae Carthusiae ediderit, credibile fit, Exemplar nostrum Codicis istius *Αποργαρον* esse. Plures alios Codices excitat *Pezius Dissert. Isag.* ad h. T. p. 90. Idem praeter *Psalmos selectos I.* (non X. ut habet *Fabric. Bibl. med. Lat.* edit. *Mans.* L. VIII. p. 279.) L. LI. C. CI. CL. etiam *Prologum Operis* protulit, in quo *Gallicum*, non *Romanum Psalterium* se explanare ait *Honorius*, qui, ut nobis, incipit: *Cristiano patri verbo et exemplo relucenti ut speculum &c.* *Cunonem pro Cristiano* habet, teste *Pezio*, *Codex Mellic.* Sec. XIII. Nos de Parte Operis egimus etiam *Vol. I. P. I. col. 209.*

## CXXXVII.

U. 47 Codex chartaceus lat. Sec. XIV. Folior. 366. f. per duas columnas diligenter scriptus et rubricis distinctus in folio praevio hanc Notam habet: *Hunc librum pro collegio ducali dedit honorabilis vir dominus Jeronimus de Judenburga hac sub conditione ut prius solueretur una libra denariorum que etiam soluta est Anno domini 1458.* Nihil de hoc Viro in Scriptoribus nostris Academicis. Codex porro ipse continet *Postillas in Psalterium Nicolai* a loco natali, vel stirpe sua de *Gorran*, non *Angli*, vel *Flandri*, ut quibusdam visum, sed *Galli*, ut docent de Sodali suo *Scriptores Ord. Praed.* T. I. p. 437. qui circa an. 1295. obivisse ibidem refertur. Praefatio ita or-  
*Denis Codd. Theol. V. II. P. I.*

ditur: *Laudationem domini loquitur os meum &c.* *Psalmus I. Beatus vir qui non habijt. Secundum glossam probemiale* totus liber iste *psalmorum in tres partes diuiditur &c.* *Finis vasti Operis: nec dormire poterit nec lassari ad quam patriam nos perducatur ille qui vivit et regnat &c.* Typis nunquam subjectum est; *Exempla tamen mss.* cum in *Scriptt. cit.* tum in *Tanneri Biblioth. Brit. Hib.* liberaliter indicantur. Nostro adjacet ejusmodi *Επιφωνημα*: *Suffragante diuino auxilio eiusque immensa benignitate. nec non gloriose virginis marie cum omnibus sanctis et electis dei. completa sunt haec dicta venerabilis doctoris gorre super psalmos ter quinquagenos David regis sub anno incarnationis domini nostri ihesu christi 1390. currente II. die mensis Octobris siue proxima feria quinta ante festum galli confessoris hora diei 22. et hoc prage.* Quibus addidit manus Sec. XV. Anno 1469. *fridericus 3<sup>o</sup> Romanorum Imperator fuit rome cum alias semper esset in stiria in forma tamen peregrini. Eo tempore quidam de suis sibi rebelles facti pemkchiricher (Andr. Paumkircher) et quidam (Johan.) de Stubenberg cum aliis complicitibus (Joh. de Pössing, Nic. de Liechtenstein, Andr. de Greiffenegg) Marpurk, ubi iudeos miserabiliter pressi sunt, Judenburkch et certas alias ciuitates de mane nullo sciente in festo purificationis beate virginis marie obtinuerunt falso et domino absente. Tunc temporis Rex mathias ungarorum contra hereticum*  
O Jeor-

*Jeorgium* (de Podiebrad) prius regem boemorum pugnabat. Rem ad annum 1468. 69. tangit *Aquil. Jul. Caesar* in *Annalib. Ducat. Styr. T. III. Vien. 1777. f. Stubenbergius*, et *Lichtensteinius Friderico* reduci supplices facti veniam obtinere; *Paumkircherus* quam vasto corpore, tam viribus validissimis, ut audit *Aen. Silvio* in *Hist. Friderici Imp.* cum *Greifseneggio* capite *Graecii* plexus a. 1471. Anteriori Codicis Thecae adglutinata est Membrana, duabus columnis exhibens eleganti manu Sec. XIV. Fragmentum hebr. absque punctis a *Genes. C. XVI. v. 14. ad XVII. 15.*

## CXXXVIII.

- R. 3313. Codex membraneus lat. Sec. XV. Folior. 211. f. maj. per duas columnas admodum nitide scriptus, miniatus et literis initiorum picturatis ornatus, est, ut e clausula jam huc transferam, *Collectarius super librum psalmodum collectus et finitus per fratrem petrum de berentbals* Canonicum et priorem *Floressiensem premonstratensis ordinis Anno incarnationis Domini Millesimo trecentesimo septuagesimo quarto In mense Januarij die quarta.* De Viro hoc quondam sui Ordinis videri potest *Oudinus T. III. col. 1218.* ubi et cetera ejus Scripta, et *Collectarii* nostri Editiones refert, quarum tamen plures adnumerat *Maittairius*. Dicavit illum *Petrus Patri Reuerendo dominoque meo carissimo domino Johanni de Arkel* dudum

*Traiecten. ecclesie nunc uero Leodiens. Episcopo*, et orsus est: *Cum rem quamlibet honestatis splendore perspicuam &c. Expositio vero ita incipit: Beatus uir &c. Psalterium est quedam magna domus &c. Tam Praefatio, quam ipsa Expositio Cento merus est, siue Catena cujus articulos subpeditauere Casiodorus, Augustinus, Nic. de Lira, Glosa, Hieronymus, Hugo Victorin. Remigius, Gregorius M. &c. minio distincti, et ipse Collector. Finem Operi faciunt Peroratio: *Explicitus est mirabilis et decorus ordo psalmodum &c. tum Oratio ad Deum, quam Librarius* ridicule *Oratius* inscripsit, demum *Recommendatio libri psalmodum.* Ad calcem praeter jam supra adlata: *Finitus autem presens Liber sub anno domini Millesimo CCCCXXX. Per manus Symonis strigil vicarii chori sancti Mauricij augusti.* et fol. ult. *Anno domini Millesimo Quadringentesimo Quinquagesimo Tertio Venerabilis in christo pater et dominus Dominus Symon Abbas Monasterij lunelacensis comparauit hunc librum pro florenis vngaricis XII. fane aureis. Praefuit Simon ab a. 1420. ad a. 1463.**

## CXXXIX.

Codex potissimum chartaceus U. 577 mixtis membranis lat. Sec. XIV. Folior. 224. f. per duas columnas exaratus hanc pro Theca anteriore Inscriptionem *συγγεγραφοῦ* exhibet: *Primum Volumen lecture M. Haynrici de Oyta super psalterium et continet tabulam omnium psal-*